




23002-  
23045

Ms. St. D. II





23013 II

MEMORIALE  
 Nomine  
 SACRÆ REGIÆ MAIESTATIS  
 POLONIÆ ET SVECIÆ

*Ad*  
 SERENISSIMOS, EMINENTISSIMOS,  
 ILLUSTRISSIMOS,  
 S. R. IMP. ELECTORES, PRINCI-  
 PES ET ORDINES

directum & exhibitum

*Ab*  
 Eiusdem Regiæ Maiestatis Ablegato,  
 Regni Pol. Cancell. Regente


ANDREA DE OLSZOWA OLSZOWSKI

Cracovien. Pośn. Præposito Metropol. Gnesn. Canon. Dno. hæreditario  
 in Jarocice & Mieczuy.



*M DC LVIII*





## MEMORIALE.



Ellum à Svecis adversum Polonos, quàm indignè, nè graviore verbo utar, incæptum gestumq; sit, nemo non agnoscit. Sed iudici Deo & Vindici, curâ aliquando erit, abruptas inducias, everfam fidem, Divini humaniq; Juris postpositi nefas impunè non omitti.

Porro Serenissimus & Potentissimus Rex Poloniae & Sveciae Dominus meus Clementissimus: meritò exillimat, publicam connexamvè Germaniae & Poloniae causam in eo verti, spectareq; ad Sacri Romani Imperij injuriam, quidquid contra Regiam Ejus Majestatem & Rempublicam Poloniam Sveci patravère. Cum enim Pace universali Monasteriensis Reges & Regnum Poloniae comprehendantur, integritatis Pactorum, exindeq; tranquillitatis Imperij Romano Germanici interfuit, ac porro interest, Regni amici, Vicini, & fæderati curam & defensionem suscipi, hostilitatem omnem, motusq; novos prohiberi, nè procedente primo Svecorum ausu, ulteriorem licentiam svadeat ipsa tolerantia, & semel accensa belli face, Vicinus etiam paries deflagret.

Minimè verò fides sit, otiosè Poloniam Instrumento Pacis insertam esse, aut Svecos vigore ejusdem Instrumenti nulla obligatione teneri ad Pacem cum Polonis observandam.

Nimirum, visum est Svecis, inter causas armorum, primo loco exponere Borhium nescio quem Cæsarianum Colonellum, quod gnaro & connivente Rege Divo Vladislao cum Germania bello flagraret, per Provincias & Ducatus Regni Poloniae pervaserit ad infestandam armis Livoniam, & postquam instigante Rege, ac impellentibus Polonis expeditio illa suscepta esset, plurimum mali inopina Borhij irruptione subditis Regni Sveciae ibi locorum allatum, multi trucidati, bona eorum dirpta & spoliata, magnusq; metus illi Provinciae illatus fuerit.

Expresius etiam crimini datur, quasi irruptione Krokovij Cæsareani Ducatoris in Pomeraniam res Svecorum in Germania turbatas, eamq; Provinciam devastatam Poloni voluerint, adeoq; non satis fuerit Krokovio transitum à Polonis indultum fuisse, verum etiam ex Putcensi fortalitia, alijsq; in Borussia locis auxilia & tormenta eidem submissa.

Quæ

Quæ tamen si vanitatis plena, cum insuper oblivione perpetua & Amnestia generali ita sepulta sint, ut non liceat eorum vel ullius alterius rei causa aut prætextu (quidquid occasione ac tempestate belli Germano Svedici clam vel palam, directe vel indirecte, ultro citroq; commissum fuerat) hostilitatem, inimicitiam aut molestiam inferri, sub poena fractæ pacis ipso jure & facto incurrenda &c. tanè istiusmodi causas extinctas abolitasque resuscitare, ac bello contra Poloniam tabulis Monasteriensibus inclusam & absolutam vindicare, Sveci nullatenus poterant, sine ingenti præjudicio imò rupturâ Pacis universalis.

Utcunq; verò foret, si à Sveciâ ipsâ, vel ex Livoniâ Svedicâ ditione bellum intra Poloniae Regni viscera invecum fuisset: sed cum è Pomerania Imperij Romani Provincia ortum progressumq; habuerit; cum Exercitus Svedicus in dicta Pomerania, uti & in Bremensi, Verdensi, Meckleburgensi, alijsq; terris scriptus, auctoratusq; sit, neq; adhuc conscribi, suppleri, refoveri, & contra Poloniam emitti desinat; perturbata profectò Germania & fractæ Pacis culpa, tot atrocità & infestata: ac secutura (quod Deus avertat), majora mala, Svecis auctoribus debentur.

Accedit, sociatis viribus tam Principum nonnullorum quam Civitatum Imperialium injustissimum post hominum memoriam, Sveciâ contra Polonos bellum promotum, & sustentatum fuisse, atq; in hunc diem promptis auxilijs, & continuis supplementis, (quod Sacra Regia Majestas Poloniae & Sveciâ Dominus meus Clementissimus injuriæ ducit, doletq;) plus ultra sustentari: planè ut non Sveciâ magis, quam Germaniâ viribus Polonia nihil tale commerita, concutiat.

Eapropter, consentaneum duxi nomine sæpè memoratæ Sacræ Regiæ Majestatis Regniq; Poloniae rem totam ad Serenissimos, Eminentissimos, & Illustrissimos Sacri Romani Imperij Electores Principes & Ordines decenter referre, ac officio quo par est postulare, nè Regni Poloniae Pacis Germano Svedicæ consortis facta per Svecos invasio, nè ex Pomeraniâ, alijsq; terris Imperij prima & ulterior hostilitas: nè Principum & Civitatum Germaniæ, subsidia, & quotidiani pro Sveco militares delectus, dissimulatione & silentio habeantur, sed communis planè causa, communibus studijs, consilijs, & auxilijs juvetur, ac obtinendæ publicæ & securæ tranquillitati, vel reprimendo malo maturè consulatur.

Est porro aliquid etiam momenti in Regni Poloniae conservatione & integritate, quod everso hoc antemurali, velut aggere rupto, verendum sit, nè barbararum gentium colluvies, (quæ nuper finibus ipsis admodum, nec longius unius diei itinere à Silesiâ distans, periculi in posterum monet terretq;) Vicinam Germaniam inuadat.

Quæ singula & omnia prudentè expendenda Sacri Romani Imperij Electoribus



4  
storibus, Principibus & Ordinibus paucis ad præsens submittens, nullus dubito,  
justo dolori & læsioni gravissimæ Sacræ Regiæ Majestatis Domini mei Cle-  
mentissimi, & universæ Gentis Polonæ pro præterito: ac in futurum securitati, op-  
portunum, atq; ex sæpe dictis Pactis jure debitum allatum iri remedium.

A. QLSZOWSKI m. p.



